

覺去者忽其師不師為其師自屈折執勞苦也。以貧賤得富貴於君而反相教下皆共日欺其上萬未有。一人有誠信也。群愚共欺其三綱名為反逆而無信也。其罪過彰彰下可覆蓋。皆上見於日月三光也。故天地甚疾之。惡之使其短命而早死也。不自深十問過罪重反復哭而行也。言天酷何一寬也。汝乃自寬何特天寬汝哉。可駭乎。善哉善哉。愚生已聞命矣。然予而守此以為重戒。則可萬萬世無患矣。然辭小竟疑者復來問之。唯唯。

右大集難道德至誠天戒以示賢。

太平經卷之九十六

太平經卷之九十七 誦五
 妙道不傳處士助化訣第一百五十 四
 真真愚暗日益劇不曉大不達之生謹再拜問一從事言之必為過不問又愚心不能獨自解行言之愚生竊聞祕道要德是乃天地之珍寶天下之珍奇物也。故名之為至道不傳其非凡人所宜聞所宜言所宜用也。而今天師都闢太平學之路。悉勅使人為道德要文不得蔽匿。皆言其有天譴到死罪尚不除。復流後世。皆校以真道祕德。曾不大哉。今小人與君子不別。愚生以為真道祕德不宜使小人聞。小人言小人用之也。吐噫乎。今且言有萬死之責於皇天后土不復除也。自天地開闢以來。後生日益薄。妙道小人斷絕。天地之珍寶以是為失。積久故生承負。今天災不絕。常使天地內獨歲不平安。災變盜賊衆多。國家為其愁苦。正起於是。子今且所言是正是也。亂天反地使治昏憤民難治。正是也。子今且語正與天為重。怨錯哉。錯哉。亡于功矣。

何謂也。今要道善德出之以教化。小人得之守道德。更相做學。不敢為非。其中小賢得善道。德可為良順之吏。其中大賢可上為國家。輔其中最下。極無知者。猶為善人。夫天以要真道。生物乃下及六畜禽獸。夫四時五行乃天地之真要道也。天地之神寶也。天地之藏氣也。六畜禽獸皆懷之以為性。草木得之。然後生長。若天不施真要道。焉安能相生。長哉。而真人言。小人不宜聞要道。不宜言。不宜用也。天地之神保。終類人。乃不若六畜草木善邪哉。真人自知。今且言有萬死之罪不復除也。愚生事師日少。淺不深知。天道見天師言。乃自知罪重。上負皇天下負后土。中負於大德之君。然子退自責是也。凡舉事可不慎乎。哉。皇天常獨視人口言何故。使警隨人音。為吉兇。故警應不失。鉢分也。子獨不常觀此天地之音。證邪宜自慎。不及勿。強妄語其為害重。于今且言至道不傳。人何以傳知之乎。終類至道不可傳。天道無私。但當獨為誰生乎。弟子自慎。戒事甚無狀。子欲若俗夫人復

相教妙天道耶不敢不教真人自精戒事天怒一發罪過著不復除也天道正由此言廢毀子復共增之耶帝王所以不能理其治而嘗多災者但由盡若于今且可言因使真道道絕也邪道起故不可理也寧曉心解不爭唯唯已覺矣慈負天師不也常常慎事唯唯今念每言有過欲不言也又不知平言今人所不宜聞所不宜言所不宜用者何等也然凡人乃不宜聞非真要道非真要德是故夫下愚之師教化小人也怨事不以要祕道真德勅教之反以浮華偽文巧述示教凡人其中大賢得邪偽巧文習知便上共欺其君其中中賢得習偽文便成猾吏上共佞欺其上下共巧其謹良民下愚小人得之以作無義理欺其父母巧其隣里或成盜賊不可止賢不肖吏民共為姦偽俱不能相禁絕觀邪不正乃上亂天文下亂地理賊五行所成逆四時所養共欺其上國家昏亂其為害甚甚不可勝記真人反言小人不宣聞要道要德反當以邪巧偽之事教化使天下人眩瞶共習

偽非而不自知遂俱為無道耶是以真人有萬死之罪不復除也天下所不宜聞所不宜言所不宜用正不宜聞此偽文邪巧大猾所生正由此故吾為天陳法為德君作教不敢及之所以專開道德之門而閉絕狡猾階路也故吾書本道德之根棄除邪文巧偽之法悉不與焉子獨不怪之耶是乃天地以為病帝王以為害行復為真人具說之其以要道德以教化小人也上賢得以守儒良中賢德以上為國家至德之輔臣其中小賢化為順善之吏其中下愚猶為謹民不知相害傷故自天地四時五行日月星宿共以真道要德養萬二千物下及六畜糞土草皆被服其祕道要德而以得生長今若以真人今且言終類此人不若六畜及糞土草耶子今且言寧自知有萬死之過不除邪有死過有死過勿謝同不解耳今過言當奈何哉今欲解此過常以除日於曠野四達道上四面謝叩頭各五行先上視天規下叩頭於地唯唯今且天師教愚生何一急也然所以急者不以故真

人也乃真人言得天地之忌太上中古以來人教化多妙真道善德反相教逃匿之閉藏絕之反以邪巧道相教導化愚人使俱為非其中大賢遠去避世獨其中小賢為吏無有真道亂其民其中下愚因為無道起為盜賊民臣俱為邪聚成雷動共逆天文毀天道逆地意反四時氣逆五行使災怪億億三光失其正明帝王大愁苦之得昏亂焉治不得平安正由此也故真人寧知此罪重不天不除之也吾不教子當謝也故所以當於曠野者當於鮮明地所以四達道上者道者主通事所以四達者當付於四時天之使氣也且為子上通於天也四時者仁而生成且解子過於天地也後有過者皆象子也天從今以往大疾人為惡故夫君子乃當常過於大善不宜過於大惡慎之慎之子尚若此何況於俗人愚哉相教嫉妒道藏匿之是也子所言常善是今且一言名為大逆天地從古到今人君所得慈也然真人前人安得生為君子哉皆由學之耳學之以道其人道學之以德

其人得學之以善其人善學之以至道善德
 其人到老長乃復大益善良故懷要道善德
 之人乃名為帝王之處士人之第一上善者
 也能助君子化者也其不仕者為上謹之人
 學之人學之以惡其人惡學之以文其人文
 學之以偽其人偽學之以巧其人巧學之其
 中大賢者則巧言其習書者則巧文小人得
 之為猶民於子心寧可以教不哉故夫要道
 秘德乃所以承天心而順地意可以長安國
 家使帝王樂者也而反禁絕不以力化人有
 講於天罪不除也天以至道為行地以至德
 為家共以生萬物無所匿無可私也故古者
 聖人象天地為行以至道要德力教化愚人
 使為謹良今易治今世反多閑絕之故愚人
 共為懈失天道不自知為非咎在真道善德
 不施行故人多被天譴當死不除也愚人無
 道不避忌諱遂共犯天地由不知道德要也
 吾之為書所以反覆勉勉眷眷者恐人積愚
 一言不信吾文故復重之也人俱習為邪久
 或反謂吾可言非也復令使真道秘德門絕

斷不行天怒不絕帝長慈若吏民無所投頭
 足相隨雲亂不能相救試誠究吾辭於天正
 為解除此制作道也人人被邪文愚蒙積久
 故常勅真人使出吾道以付上道德之君以
 示眾賢疾試吾道乃知吾書之信與天地相
 似不用不試安知其口口哉今保吾道不誤
 故求試非一卷之文真人慎之唯唯行去常
 慎吾言勿自易妄語也唯唯出之無匿藏使
 凡人言語學問當知得失處不復妄為唯唯
 右解人常所不宜聞所不宜言所不宜用
 斷邪出真文
 事師如事父言當成法訣第一百五
 十五
 今愚生舉言不中天師心常為重請過不冒
 過問又到年竟猶無從得知之願復請問一
 言平道之何所謙哉不知而問之是其數也
 今以第一上道要德以教凡人曾不大知乎
 善哉子言也何有大知之有乎子何故疑此
 哉吾聞子智過其父弟子智過其師臣智過
 其君則名為下賢智過於其上以為不宜今

子言是也又非也今下智過於上者乃謂不
 當使下智為巧偽之法其智過其上則選欺
 其上子欲樂知其效比若教學巧家弟子智
 過其師則還害其師矣夫為人下習知猶偽
 益道則下共還榮感欺其上矣是故古者大
 聖賢不敢妄授教猶巧偽文道也常深念其
 本而斷其末不使愚人知之故以智智知國
 國之大賊也故古者聖人常務授其真道不
 授浮華偽相巧弄之法也知其為害大深故
 常閉其兇學而務開其言路使民常自謹不
 知為非子欲重知其信是故上三皇乃師事
 臣如父也時臣各懷真道要德無巧偽文稱
 人故其時臣智悉過其君能為帝王師其教
 若父故師父事之是則道德過其君之則也
 故能使其君安坐垂拱而無憂故言十中十
 可輔帝王言十中九可佐大臣言十中八可
 為小吏過此而下不足取策所言不中名為
 妄語亂誤上者也子知之耶唯唯行子欲重
 知其大效到于五帝道小衰故君臣道德不
 能復相問同門為朋同志為友所知君臣同

不能復大相高上要道秘德小塞不通故無可師父事但朋友事之也到于三王師授者多妒學閉絕真道奇德其弟子日益愚蔽無知反多入浮文使君洽眩亂其道德淺薄不足父事不足友事故于事之其智少故不而為帝王圖難易故使天地大怒災變連起不可禁絕大咎在此子知之耶唯唯行子已覺矣復為子重明之今五霸其臣悉無真道德皆能作巧偽猾所以相欺詐者其臣多知邪猾佞偽巧所以相驚動惑之道或乃過其君因而反逆子殺其父臣殺其君下殺其上悉懷無義衷狄之心人人有巧偽之術各有姦心無有真道故數反逆故事斧鑕視臣若死籍乃其臣皆懷佞文多巧猾道不足重故視之若畜也是明效也故古者聖賢應天心娉真道德士仁人而放佞偽猾以稱皇天之心是故吾道悉開吉門而閉兇戶不敢及猾知可以過其君者也子寧曉知之耶唯唯慎之矣

太上古之臣多仙壽故能使其君壽中古臣

多知懷道德故能使其君常無憂下古臣多無真道而愚故多使其君愚甚君愚其治常亂憤不得天心霸君之臣盡佞偽多猾巧詐共榮感其君使其失天正路反入兇戶故與天為大怨子知之乎故其治悉兇不得大久真人為天問事宜日謹不可但恣意妄言言當成法言不成經不若默也舉言不中罪深不除唯唯行去子已知矣

右智賢過其君難解訣

太平經卷之九十七

正一天師清微弟子洪
道教學術資

太平經卷之九十八

誡六

神司人守本陰祐訣第一百五十六

請問一大疑事行言之今天師廣開天道之路悉拘校古者道書之文以為真要秘道真道者多善其文乃入神故能賭神與神為治所治若神入神則真其道也乃多成於幽室成有使度於室中而去者或有一出一入未能去者或有但見神而終古不去者夫度去者萬未有一人大壽者千未有一人也小壽者百未有一人也竟其天年者比是也凡天下之人學問也萬未一人得上官也千未一人得中官也百未一人得小官也其於他家活生萬未一人得億萬也千未一人得千萬也百未一人得百萬也凡事者皆如此矣故其本者眾多其度世及富貴者少也愚生甚憂之今為道當以何為大戒而得長成乎學問當以何為大戒而得到大官乎治生聚財當以何為大戒而得致富乎今不及天師力問諸疑恐終古蒙昧不復開通無以得知之也善哉善哉諸真人問疑事也天使子來問